

feudaque Imperii, inuestituris expectatiuis vel aliis priuilegiis in Principes prouinciae transtulisse, vel superioritatem territorialem munificentiae Caesareae, defensionis fideliter sibi turbulento rerum statu praestitae, pactio- num et denique in- ueteratae possessionis titulis iustissimis innixam ac munitam confirmasse; si denique litteras reuersales attulerit, quibus opulentiores prouinciarum Ordines Principem pro vero suo domino agnouerunt, seque ei subiecerunt, tunc de- mum certissime constabit id, quo territorium aliquod clau- sum esse cognoscitur, solum Principem immediate Imperio subiectum fuisse, reliquos, qui in territorio vixerint, Prin- cipis superioritatem agnouisse, ad comitia prouincialia voca- tos venisse, nec ab aulae officio aut tempore belli praestan- dis seruitiis fuisse immunes.

